


二天



新安文獻志卷九十一

乙集

行實世德

宋隴城令贈太常博士呂公士元墓誌銘

歐陽文忠公

君諱士元字佐堯江寧人也

按宋史稱文仲歙州人羅鄂州志稱漆為文仲兄孫今此誌乃以為江寧人蓋呂氏

世仕南唐必有籍在江寧而歐公削咸平二年舉明經為潭州醴陵尉去轉徙之由止書江寧以從簡也

廬州司理參軍寧州彭原廣州四會縣令又為湖州司理泗州錄事參

軍吉州泰和秦州隴城縣令以疾卒于官享年六十有五娶閻氏生子

四人曰淵曰濠曰淙曰淇閻氏年七十三後君十五年以卒子淙後其

母三月卒以慶曆八年十二月二十日以閻氏之喪合葬于揚州江都

縣東與鄉馬坊村先塋之次君為人剛介有節長於為政醴陵太和皆

大邑民喜鬪訟往往因事申吏以法吏多不免而君日與長吏爭曲直

下為邑民伺候終無毫髮過失可得而民卒愛思之四會近海俗雜蠻

夷君尤知其人之利害事經決後有欲輒改更者民必自言于廷曰此

呂君所決豈可動邪後人亦莫能改也君仕三十餘年以一縣令之祿衣食其族四十餘口雖薄而必均夫人閻氏尤能為勤儉子淵濬皆舉進士濬有賢材以文學選中第一今淵為秘書丞濬著作郎直集賢院以濬官得封贈君太常博士母夫人封天長縣太君嗚呼呂君官雖卑惠於其民足以為政祿雖薄周於其族足以為仁身雖不顯而有子以大其門足以彰為善之效君之皇祖諱裕贈兵部尚書皇考諱文膺官至太子左贊善大夫自宋興百年間呂姓之族五顯于世君之叔父刑部侍郎集賢院學士文仲實為先朝名臣而今君有賢子文將顯呂氏之族于後於其葬也是宜銘以誌其銘曰

善無不報報不必同或在其後或及其躬積久發遲逾遠彌昌如其不信考此銘章

蘇子美

有以純孝篤行著于吳里中者聞程君焉親疾齋戒蔬食以禱後因而

純孝篤行程君 立信 墓誌銘

蘇子美

不茹葷二十餘年幼喜酒病醒而毋戒之自是終身不復飲既老得風痺之疾藥劑有以酒薦通行其力者家人白之君歎曰吾雖晚耄敢忘親言乎嗚呼食飲人欲之大君能因親而絕可謂純孝也歟里有駱生嘗以二寶帶密寄於君駱之死君即歸之其子不敢取又願分一以為遺君曰欺死受貨非吾所能為也族人離其貲產君悉不受惟收諸女之孤者鞠養之長歸士人吳人好鮮食君獨戒殺又樂賑人艱急不問疏密凡鄉閭冠昏喪祭之法多取中焉君必隨其豐約而條處其事靈者或為資給之每觀書史必擇仁厚之言書於門墻以誦服焉卒之日鄉老皆為之泣下斯可謂之篤行也已君諱立信於慶曆七年月日終于家壽六十八曾祖新安人仕錢氏為營田使祖徙籍于蘇與父皆高道不仕夫人劉氏淵靜有法則奉承尊嫡接姻舊莊順之色夙夜不絕于顏內族人稱美之君之懿行聞於人夫人有助焉爾慶曆四年郊祀推恩以君為大理評事夫人為彭城縣君用于封也夫人享年六十有

王先於君百日而終三子長師愈次師曰次師孟太常博士知南康軍才敏有聞所曆著治狀一女嫁桐廬令樂其孫男女十七人以明年某月某日將合葬于蘇之某鄉太常君與予同年登科授狀丐文以識其

墓銘曰士大夫可罔以名鄉人不可欺以行誠義乃著宜享其盛不在厥躬豈不有命壽弗天闕嗣則淑令族尊理榮乃終有慶刻文于墓後世所證

貴谿縣丞程君天民墓表

陸農師

尚書都官郎中程公諱迪有子曰天民字行可未冠舉進士中甲科後二年年始應銓格進所撰詩書論以洪州司法參軍充相州州學教授遷瀛州防禦推官知衢州西安縣事充饒州州學教授丁外艱服除調信州貴谿縣丞以疾卒于智亭實元豐九年正月十三日也享年三十二葬以八月二十四日墓在其鄉三衢雲臺大澳之原君幼則聰敏不好兒弄日誦數千言成童屬文操紙立就及出仕宦恂恂一年少爾然

爲學官有師法爲縣有吏治熙寧中予旣行可嘗試開封進士是時考相王文公作成治法初以經術進士其被命考校者至數十人極一時之選予於其間愛行可受才俊邁而造行粹良竊謂異時當爲國器卽今雖未備成蓋詩所謂金玉其相者也傳曰金錫鍊而精琮璧性有質此衛武公得數九十有五更事閱理既老而益精故詩人歌之道成德至善民之不能忘也嗟乎行可雖受道之質可謂美矣然閱世未久不幸短命以死誠使黃髮兒齒台背如古之人其所至豈易量哉有文集若干卷亦可以觀其志也夫人尚書左丞鄧公諱潤甫之女生男曰俱今爲假承務郎女二人適太廟齋郎樓彥升婺州東陽縣主簿朱耜俱能自樹立甚似吾行可其續大前人之光將在於此故樂爲之道使歸而揭石焉

右朝散郎致仕王君公權墓誌銘

汪龍溪

建炎元年朝請大夫秘閣修撰王愈以書走廣陵屬其邑人汪某曰愈

不天不能事親先人棄諸孤將以明年某月某甲子葬德興縣靈湖之
天塘惟先人束髮讀書立訓故爲後學宗抱能不施以不大振耀惟不
肖孤材下不能嗣事使其名聲顯聞今既返九原若不別藏懼日遠日
忘終泯泯無詔惟夫子賜之銘以寵綏其歿假王氏無窮之休敢請某
曰意是吾邑老成望其貌如東郭順子聽其言如仲長公理叩其學如
皇甫士安者也銘其可辭君諱某字公權其先瑯琊王氏晉渡江居江
南說唐有人廣明之亂有徙名數千婺源者於君爲九世祖以力田遺
子孫至君大父始釋耒爲儒家君兒時穎甚得書敏視若流游太學籍
籍諸生間以父老丐歸從鄉舉州再上其名再不中父喪既除卽慨然
有高世意或勉之仕泣曰吾所爲汲汲者以親在也今親逝矣奚仕爲
迺杜門息交著書數萬言言覈而理申要必自己出不借他人一詞愈
用君學擢紹聖元年進士內科調建昌令時江南荐饑縣無儲獨經稟
厚藏吏守文不敢發君亟以書抵愈曰令活民而黜職也愈稟行之由

是建昌之凡居數千里流殍間不知其無歲已而愈守信會賊方臘寇
城危甚君索橐中得白金數千兩間道資愈餉軍且戒之死聞者無不
感奮以故兵焚殘十餘州唯信屹然無秋毫之失蓋君明於事機以成
其子者類如此建中靖國初以進士父次得官不赴用愈恩累官朝散
郎賜五品服以其年某月某甲子卒于家春秋八十有三曾祖某祖某
父某妻余氏封安人先公卒二男子其一愈也次曰慎孫六人德昭迪
功郎餘尚幼而德昭前卒君居鄉博施兼容歲折券以爲常而與人未
嘗校於治心養性皆得其要蓋不讀釋老之書而闇與之合古所謂
期稱道者如君非邪銘曰

晉之王姓兩族蕃至唐獨有瑯琊孫公家江南乃其昆以學自表爲清
門著書上與千古論材雖不施聞則尊遣子出仕乘朱轡葉膏旣沃還
流根莫年章紱榮詔恩奄蛻壽骨歸丘原靈湖有阜如鵠騫君子自窳
非承言我書其實要不煩刻著玄石期長存

朝散郎致仕胡君咸墓誌銘

汪龍溪

大江之東以郡名者十而士之慕學新安爲最新安之屬以縣名者六而邑小士多績溪爲最績溪之民以族名者無慮百餘而學傳子孫胡氏爲最胡氏有隱君子曰誠甫其書滿家仰承俯授皆有師法又其族之尤者也君諱咸字誠甫曾祖嶠祖筠皆樂里居不求仕至父策始起家爲鉛山尉誨其子必千里求師長宏登進士科仕至處州司法參軍君其次也君少刻意于學自六經司馬遷班固范曄陳壽史書皆手鈔成誦會熙寧元豐間朝廷以經術新天下人材學者宗王氏君於諸經自得其指歸而尤邃于易游太學十餘年率杖策往還其精如此方是時士集京師歲以千計君穎然出其間爲之領袖一旦如有不樂者謝病歸召諸子出其書授之不數年其子舜陟舜舉踵相躡取高第而舜陟遂登法從典大州隱然爲天子名臣君饗其祿幾二十年自承事郎累官至朝散郎舜陟又以所當得之服授君賜緋衣銀魚績溪固多

如君父子得名稱章紱而歸者無幾而公文慈祥豈弟有以宜之長老稱焉方舜陟之爲御史也屢擊大臣欲寘之死而君不以爲憂及守合肥盜環其疆禽制有功州人懷之爲肖像以祠而君不以爲喜蓋君之得於中者又如此建炎四年八月辛亥以疾終于家春秋八十有一娶閔氏封安人前君卒四男子曰舜陟朝請大夫充徽猷閣待制曰舜俞曰舜申皆疑然有立曰舜舉迪功郎二女子適士人葉文仲鄭邦彥五孫曰稱仔傳後其一尚幼而仔亦迪功郎諸孤將以紹興元年五月丁未奉公葬于湖州安吉縣管城原來求銘納之壙中其與君世姻知君非一日者宜銘以詔後銘曰

君之德純明諒直懿鄉而隆戚修身以亟動而有則爲國人之式君之學得之先覺聞尊而見卓不凋其璞遺其子琢有連城之鼓君之榮世以儒名道傳而志行有子在廷吾亦影纓纓旋期之齒下山之陽維水泱泱雖非其鄉與其相望子孫家傍爲萬世之藏

先公觀察奉議毅行狀

汪龍溪

公諱毅字次元姓汪氏汪氏軒輊皆古國名春秋時童子跖以功顯魯孔子躓之中間譜系不傳至五季有自歛之黃墩徙婺源還珠者於公為九世祖子孫因家焉用高貴為江左著姓至公之父子始以進士繼踵起家知名一時如文正范公韓康公王文公雅相知友年位皆不滿其德搢紳悼歎公皇祐五年及第一命撫州宜縣尉少年明銳遇事莫為持難盜殺里中民胥憚於捕鞠則為虎傷以聞公一見輒窮其偽曰凡獸食人不容偏齧今則如此謂之虎傷何哉胥不意情得即叩頭吐質一邑以為神移泰州泰興縣令會中遣御史按水災他邑長以裁減民賦不均訴者紛然及被詰莫知所為獨泰興有經式公私交便御史以公為能喜甚召與語大奇之坐公堂上庭折諸邑長指泰興為法當是時汪泰興名聞淮東公進曰此未足為御史言也縣瀕江民依沙為田出租賦歲久沙潰民抱虛責閱數十吏無告害莫大此願益得為民

除去於是奏可繼復者亡筭訖今泰人誦之丁外內艱以長孫承祖母萬年君憂改建庶軍節度推官知漢陽軍漢陽潤州金壇縣泉州晉江縣丞元豐初縣官立法期會旁午晉江雅多權右前為丞者熟視疆梗莫敢治以故給納常殿公至則繫執政家吏一人曰各當歸我不誘他人也調太平州軍事推官廬州觀察推官部使者怒旁郡守謀以危法中傷鞠者莫敢直直者輒以罪去最後諺公公曰禍人自免豈吾心邪攷正于理不為屈使者大怒亟劾公益不能奪則以獄上刑部至刑部則以公言為當乃已聞者壯之有新貴人如京師厚徵從兵之食者衆多附之公曰國家之著挈令也曰給糧如所結之秩否則有刑費則有償今日汝何令之有惟吾之所從欲他日刑吏而償之無乃不可乎且何必剝賤而媚貴不聽後果及於敗皆以公為知言初公為泰興以材敏稱至薦者一日倍當遷之數人謂公且顯矣亡何憂患十年僅得一幕吏漢陽以縣省去官金壇以避仇稱病免官當公之免也法以暮叙

而遽踵新令告滿二年其爲幕吏法當減舉將之半而又以坐免沮格
居晉江日有哀公者驟薦於朝皆爲公慶會盜起閩中按察者多得罪
復報聞罷嗚呼可謂窮矣公亦自以直道孤立知者不爲無人然動輒
跋扈若陰有柅之者迺益退縮不爲表暴欲爲地者皆推而不受一旦
棄官老於故居龍溪之上治田桑保墳莫憂至即醜酒擊鮮劇談計日
爲溫厚長者無纖介隱衷然於親疎曲有禮意各得其歡心雖面刺人
過而受者更以爲喜與人說理道成敗反覆曰後當如是初若闊疏事
驗皆信服間則繙詩書鉛槧不釋手凡經抄錄者無不精審歲時書問
無貴賤必親治惟謹未嘗教子弟占吝故辭翰可師人皆藏之以爲珍
有詩百篇意深語典因事立誠要不虛發而不以示人其隱德如此家
居十有二年以致事恩轉通直郎以覃恩轉奉議郎賜五品服蓋晚而
子孫取科第仍祖孫五世基緒不絕人方以鮮儷爲榮而公卒矣享年
八十實崇寧乙酉六月某甲子也曾祖某故不仕祖某任司封員外郎

贈光祿少卿父某任都官員外郎以公故贈中散大夫妻開封陳氏永
嘉縣君繼室以其媚壽光縣君男六人槃槃傑傑彙彙先公卒藻從
事郎宣州學教授公清慎剛介出於天資終始完節不以勢利豪髮
汗撓質之神明無愧也乞身彊健時優游自得常曰吾先世以才短年
今奇拙而壽足矣其退居龍溪家日益貧或以賄怵公者曰吾寧貧忍
爲此邪官閩日僧居歲熟荔支自守貳而下皆餽焉無慮萬計公曰是
豢吏也夫獨斥還之後有坐是而黜者人方服公之廉王文公於公爲
父執方用事時汲汲於人物諸附離者多貴有勸公以異時所得緘尺
爲獻者公笑而不答雖緣吏事一再造請諄諄道舊故而卒無一語及
私建昌李公常治湖公以故人子往依焉常屢以美官勉公公不屑也
渤海張公擇賓南劍陳公備一見公於稠人卽嗟重論薦公曰不緣介
紹而能然真知我者也錄其諱曰歲蔬食以報之公尤善攝生至老精
神容貌不少衰時與壯者角膂力起步爲笑樂往往多不及常誦佛書

願脫疾苦方與親啣命酒如平時神識不繆俄側身而逝衆以爲獲報諸孤期以某月某日奉公葬於龍溪源梟木塢永嘉夫人附焉從公卜也謹錄公行事如此以待立言者圖不朽焉謹狀

記外大父祝公確遺事

朱文公

外家新安祝氏世以貲力順善聞於鄉州其郎肆生業幾有郡城之半因號半州祝家有諱景先者號二翁尤長者元祐黃太史嘗替其書牒廣幅全身大書百許字詞甚瑰瑋經亂而逸熹少時見外大父猶能頗誦其語至諸舅則皆已不復記憶矣二翁諸子皆讀書外大父其第二子也諱確字永叔特淳厚孝謹少時聞父母將爲謀婚逃避累日家人驚索得之猶涕泣不能已問其故則曰審爾則將不得與父母昆弟蚤夜相親矣親喪廬墓下手植名木以千數率誦佛書若干過乃植一本日有常課比終制而歸則所植鬱然成陰矣一兄一弟先後死熙河皆親往致其喪往返徒步不啻萬里所舍輒悲號上食如禮夜寢極勞不

忍跣步離去路人皆爲嘆息諸弟求析其產公爲涕泣曉譬不能奪時四妹猶未行而諸弟得財皆散去不復顧公獨罄已貲以遣之其一歸同郡汪公勃汪公後登二府終身德公不能忘人兩賢之歲大疫親舊有盡室病卧者人莫敢闖其門公每清旦輒携粥藥遍造飲食之而後反日以爲常其他濟人利物之事不勝計雖傾貲竭力無吝色鄉人高其行學試又多占上列郡博士請錄其學事時三舍法行士子無不由庠序以進公從容其間若無所爲而後生得所矜式咸敬服焉喜先君子於時亦爲諸生年甚少未爲人所知公獨器重以女歸之後卒以文章致大名世乃以公爲知人方臘之亂郡城爲墟鄉人有媚事權貴者挾墨勅徙州治北門外以便其私而所徙窟下潦漲輒平地數尺衆皆不以爲便將列其事以訴諸朝者餘二千人而莫敢爲之首公奮然以身任之其人忿疾復取特旨坐公以違御筆之罪公爲變姓名崎嶇逃遁猶下諸路迹捕不置如是累年時事變更羣小破散然後得免而州

願脫疾苦方與親啣命酒如平時神識不繆俄側身而逝衆以爲獲報諸孤期以某月某日奉公葬於龍溪源梟木塢永嘉夫人附焉從公卜也謹錄公行事如此以待立言者圖不朽焉謹狀

記外大父祝公確遺事

朱文公

外家新安祝氏世以貲力順善聞於鄉州其邸肆生業幾有郡城之半因號半州祝家有諱景先者號二翁尤長者元祐黃太史嘗替其畫像廣幅全身大書百許字詞甚瑰瑋經亂而逸熹少時見外大父猶能頗誦其語至諸舅則皆已不復記憶矣二翁諸子皆讀書外大父其第二子也諱確字永叔特淳厚孝謹少時聞父母將爲謀婚逃避累日家人驚索得之猶涕泣不能已問其故則曰審爾則將不得與父母昆弟蚤夜相親矣親喪廬墓下手植名木以千數率誦佛書若干過乃植一本日有常課比終制而歸則所植鬱然成陰矣一兄一弟先後死熙河皆親往致其喪往返徒步不啻萬里所舍輒悲號上食如禮夜寢極旁不

忍跣步離去路人皆爲嘆息諸弟求析其產公爲涕泣曉譬不能奪時四妹猶未行而諸弟得財皆散去不復顧公獨罄已貲以遣之其一歸同郡汪公勃汪公後登二府終身德公不能忘人兩賢之歲大疫親舊有盡室病卧者人莫敢闖其門公每清旦輒携粥藥遍造飲食之而後反日以爲常其他濟人利物之事不勝計雖傾貲竭力無吝色鄉人高其行學試又多占上列郡博士請錄其學事時三舍法行士子無不由庠序以進公從容其間若無所爲而後生得所矜式咸敬服焉熹先君子於時亦爲諸生年甚少未爲人所知公獨器重以女歸之後卒以文章致大名世乃以公爲知人方臘之亂郡城爲墟鄉人有媚事權貴者挾墨勅徙州治北門外以便其私而所徙宍下潦漲輒平地數尺衆皆不以爲便將列其事以訴諸朝者餘二千人而莫敢爲之首公奮然以身任之其人忿疾復取特旨坐公以違御筆之罪公爲變姓名崎嶇逃遁猶下諸路迹捕不置如是累年時事變更羣小破散然後得免而州

治亦還故處鄉人至今賴之而公之家貨事力不能復如往時矣然終不以爲悔也比其晚歲生理益落而好施不少衰年八十三以終娶同郡喻氏亦有賢行生二男一女伯舅萃娶張氏其先以治獄有陰功王宣徽拱辰所傳張佛子者也次即先夫人德性特似公其行事自見於家傳叔舅嶠少敏悟有文長從先君子遊聞伊洛之風而悅之然求舉輒不利喻夫人及伯舅既先卒叔舅後公十餘年亦即世今唯伯舅之子康國居建之崇安叔舅之孫回居劔之尤溪而康國二子已總髮能誦書矣熹惟外大父之淳德高行先人後已其誠心所格固宜有後而康國毋家所積之遠又如是天之報施其將在於此乎竊感陶公作孟府君傳及近世眉山蘇公亦記程公遺事不勝凱風寒泉之思因書此以遺康國使藏于家時出而訓習之厲其子孫又記嘗聞先夫人說第

四外叔祖豪俠不羈蚤從黃太史遊黃公謫黔中因以客從黃公賢之爲更名林宗而字之曰有道與之諷詠書札甚多今皆不存獨所爲書

柳如京皇考志世或傳其墨本姓字尚可見耳先夫人及叔舅少時猶及見其道說黃公言行甚詳酒酣悲歌感慨悽切絕不類世俗音調問其所以則曰黃公之遺聲也此事外家兄弟亦少聞者因附記于此云

喜既序此事將書以貴濟之弟未果而濟之復以疾不起其二子丙癸相從於建陽因書界之俯仰今昔爲之流涕不能已慶元戊午臘月既望書○呂左史午跋祝氏世居江陵自承俊遷于歙曰仁質號半州其子也孫象器改名用之登儒科爲太學博士六世有名筠預鄉薦學富而文贍至和甫七世矣和甫名穆即丙也其諸父皆依朱文公遂爲建人親多當時講論之益故其氣象粹溫刻意問學於書無所不讀下筆頃刻數千百言將以儒業昌其家所謂光遠而自他者有權者也祝氏復與其在建平始太博有弟景先即黃太史贊其畫象者生男若女十有歸樞密于提刑公實爲黜邑樞密汪公勃之夫人又其第三子孫之女復傳祝氏女位最高有名堯臣爲郡學諭者景先第八子磐之子也男女四人皆奇第子確之女婿適婺邑吏部朱公松是爲文公之弟也呂午兩窮相值遂成姻對七年未及嫁而學諭公卒親族咸以屬同邑之語復喧傳於鄉間或謂汪公網之兄弟與或謂朱公松在尤爲祝氏喜所以篤叙甚至嘗問外舅生來朱汪之門文公與侍御諸公皆重謂陽曲崇親誼遺風凜凜可尚矣一日和甫示午以文公所記外大父遺事三復感歎謹百拜書其後皆紹定六年五月旦日也

志卷之二

滕君希尹墓誌銘

朱文公

君姓滕氏諱洙字希尹世家徽之婺源蓋莫詳其始所自來中間有見故翰林學士達道者扣之乃知與東陽之族同源而亦不能言其遷徙合散之所由也君曾祖谷祖爲父恂皆不仕而叔父愷蚤以文學論議有聞於時起進士官信之戶掾以卒士友惜之君幼聞家學緒餘長從鄉先生俞君宋祐及一二知名士游益務記覽其蓄甚富爲舉子文亦精緻有程度而數以不偶卽棄去不復爲獨教諸子爲學而不專爲場屋計平居厲以篤志力行之訓甚悉及二子登科從仕則又時時爲道平日閭里間所聞見情僞失得之變以開曉風切之以故二子皆以能自樹立有聲州縣間晚得末疾猶手抄孔孟言仁梗槩一編日夕玩誦而又大書躬自厚而薄責於人之語於壁以自警其好學檢身雖老不倦如此病革却醫藥手書死生有命富貴在天兩言以示諸子而卒紹熙四年七月二十七日也年六十有五夫人胡氏有賢行前君一年卒

五男子璘從政郎鄂州州學教授珙迪功郎寧國府旌德縣主簿璿理皆業進士璠前卒二女嫁進士程萬頃程頌之孫男七女四君爲人恭儉質實遇人無少長俛首接語如見大賓凡世所謂少年豪習饒樂放縱事未嘗一接於身自奉甚薄終身如一日不以豐約易其度居家事親誠心孝愛委巷之禮薄俗之態雖欲強之不忍爲也兩逢慶壽恩或勸增年以應格君不可或問之則曰欺君而受爵亦何榮之有哉有士族女未亂落倡家君謀贖之倡僧知君貧立僞券高其直以難之君未有以爲策也會璘預薦書郡致金錢若干爲勸駕禮盡以予倡得女嫁之不復詰其僞縣宰張安中賢之爲書牒以表焉君之爲人大抵如此嗚呼是亦可謂善人君子矣然其志與材旣不得少自見於當世其壽命又不得究於高年獨諸子旣能順承其志而又將有以顯揚之則人或以是爲天之報施果不繆也璘等將以明年五月二十四日合葬君夫人於萬安鄉龍陂四牡之原使珙奉吉州錄事參軍程君洵之狀以

來請銘予以疾病久衰謝不能而瑛請益堅予竊哀之乃爲次其事而
銘之銘曰

行之躬學之力積之豐施之嗇謂天夢夢請視斯刻

程君公才汝能墓表

朱文公

紹熙二年冬番易程君正思病且革以書抵予告訣且書其先大父府
君之行事而求識其墓予既哀正思之力學任道而不幸蚤死又知其
大父之賢如此而無所聞於後世矧其將死深悲之屬不在他人是固
不可以無言也按正思言府君諱汝能字公才夫皆純篤不由學問而
孝弟忠信自有以絕人者父性嚴府君事之順焉於其行事有未安者
必以正諫諫而不入則退而謹伺之意解復諫卒聽從乃已母得未疾
三年衣不解帶居不入室時其起居飲食之節而躬致養焉雖矢溲之
後不以累他人也事兄謹甚兄好飲佚游府君懼顯兄過以貽親憂委
曲其間無違甚至卒以無間言親沒析其產兄欲善田宅恣所取無難

色平生口無惡言妄語足跡不涉官府之門居鄉接物恂恂謹敕不怒
而人敬畏之周人之急必盡其力雖或負之不計也鄉人有死而亡子
者治其喪其飭或欲沒入其貲產爲告官立後至今不絕處家慈愛而
能嚴子弟不敢爲纖芥非理事今沒三十年鄉人行旅言之猶有思慕
出涕者嗚呼茲非夫子所謂十室之邑忠信如已者乎是乃三代之遺
民而非今世之士所能及也使其得聞聖賢之教而講學以明之其所
至可量哉正思病亟作書其詳如此而字畫謹細如常時且謂他行之
懿猶有不及書者今問其家得其世系則番易之程皆祖梁忠壯公靈
洗乾符間有名維者以金紫光祿大夫海州鹽鐵使將兵討巢賊不利
始居饒州樂平之銀城後徙新建而地析爲德興縣故今爲德興人自
鹽鐵十二世而生府君之父諱宏亦有鄉行娶齊氏生府君府君娶某
氏生二子曰晟曰易晟先卒易今以修職郎致其事而又有正思爲之
子意者程氏其將興乎今正思雖不幸而二弟亦知爲學是固未可知

也乃書此刻石墓左以族墓在某鄉某里某處晟之子曰端友曰伯雲
易之子曰端誠曰端蒙曰端臨曰端本正思即端蒙也子亦已別識其
墓云三年壬子秋九月丙子新安朱嘉書

右朝散大夫汪君 叔敦墓表

曾文清公

有宋建炎四年庚戌右朝散大夫汪君寢疾歿于私第紹興二十七年
丁丑子將作監丞暨秘書丞上書闕下言臣父棄養時諸孤尚幼且賤
葬故有闕而宅兆未吉乞歸改葬詞甚懇切天子憐其志賜告歸因命
歛之佳山聽自擇襄事已而公子之直恩至渥也秘監以書授予曰先
君之行胡待制嘗誌之矣未有表其墓者願于大手筆其與秘監厚好
同朝因執其咎大夫君諱叔敦字子游歛之唐模人自越國忠顯錫命
之後世爲歛著姓曾祖承吉祖士明父寬皆隱德弗仕伯兄叔詹以文
行官奉常遷司農少卿故寬公得以子貴大夫君公第六子也最晚出
父母鍾愛之朝夕不離其側然未嘗恣其口腹之欲仁義忠信之訓諄

諄也大夫君天性穎敏親言輒記不忘甫髫髻見事確如老成雖賦於
天者特異而義方之益居多年少長知好古樂道慷慨有大節諸兄自
謂弗及也尤克盡弟道所獲皆推讓之大得諸兄心既冠娶洪氏同邑
承允君女仁而能賢以婦道自力閨門宜之寬公春秋甚高大夫君喜
不勝懼無何父母相繼而終哀毀骨立既除喪諸兄議析居家之所有
悉置不問田廬獨取瘠者及收詩書而已後值陸寇歛避地濡須大夫
君以筆耕而夫人傾筐以濟之頗給衣食然澹泊是甘貧窶未嘗動心
也比返室廬蕩然諸兄欲分給固拒不受曰非其道義伊尹一介不以
取予矧兄所有而取之與絳臂而奪之食者殆有甚焉兄輩莫能強政
和五年徙居潛川之東不一里許時監丞纔十齡受誨大夫君篤學如
成人鄉達或忘年而與之交既冠授徒四方來者甚衆司農公目曰吾
家文舉始大夫君自二親之歿每春雨秋露哀傷靡任久之成疾累藥
弗瘳建炎二年冬遂伏枕以嗣歲月日捐館時監丞甫冠餘尚幼不任

事家且窘僅能薄葬已而諸子相繼登第顯融于朝則其力請而歸舍
舊而新是圖從厚道得吉地為禮也大夫君有子四人長若容將作監
丞大夫追贈以之次若泉官承務郎次若虛不仕次若思今秘書丞嗚
呼若大夫君者可謂為善於生前食報於身後者矣其事親也孝隆焉
其處諸兄也弟至焉其教諸子也愛周焉宜其有蚌珠之貴章命之榮
墓地之錫此福善之明驗也余特表大夫君之事非直以彰厥美亦欲
勸後來者之為善云
勸後來者之為善云 勸黃羅峯之北麓曰金紫院山水秀環竹松蔚勝
十七年將作監丞公若容秘書丞公若思伯作營度也二公聯仕高宗
朝歷官奎府此政術奏疏動應旨意上甚寵遇之因其父叔故公先逝
贈至奉直大夫毋夫人洪氏亦屢被恩顯後考終二公奏乞歸葬上勅
歎名山宜從安厝遂葬大夫公於杏城夫人於黃羅追封至金紫院使
榮錫之三也私監公暨其仲氏若虛輩欲本先廟制立祠以奉常祀使
世著朝廷寵洽之因廼買地於夫人墟墓東拓其基度材中礎梵宇宇會
橫其左像大夫祠其右重門俯臨以及燕亭酒釋之處靡不秩然其壯
觀焉既事奏之朝賜被命額召僧焚香置田以界之俾供逆費餘以給
其食復乞省節為加護鑄石以永其傳嗚呼一公其善揚先德者哉由
宋歷今百五十餘載樓宇浸復圯壞而祭田又多為鄰院氏有之事殊
乖旨院僧嗜欲券其氏立鐘樓有本二姓神主使給其處之意秘蓋公
裔孫孫孫壽甫輩愛祠廟堂祀宗開業傳世之本况金紫院惟先君子

有功德於朝廷寵賜恩典苟齊為人有益於後先朝而棄祠宗之地矣其
祠以顯世而立於載覆間哉遂率同宗輩經之營之曾不踰三月而告
成且其相繼之意於修舉光明現麗一復舊觀使後先世之祠林然復
自歎子官岳州道歎而往會壽甫託文詳其事於石按家譜始於世亦
以為記俾後觀者知壽甫克繼克嗣有補於後先爾若宗會之德也
程宣義 墓誌銘
宣義諱放字季嘉姓程氏自號拙庵程氏系出伯休父魏有具吳有普

呂左史

皆以勲勞聞晉元譚守新安有功德於民詔賜田宅於歙因家焉至陳
靈洗以平侯景功侑食武帝子孫散居海寧縣歙間世有顯人曾祖遷
祖大圭皆潛德不耀考正橫經鄉校革行推服子六人長宣義也自幼
如成人率諸弟力學執親喪哀毀特甚時祀務極嚴潔諸弟淪謝撫卹
其孤備至與人交和而有禮生產素薄不妄取侈費而喜周人之急鄉
評歸重配安人吳氏同邑溪南望族温淑勤儉事舅姑以孝佐君子以
順睦鄰族惠臧獲無不得其心子男二人元定元鳳皆安人所出也始

宣義博學強記工詞賦結字有法度雜諸于湖張氏無辨也一時意氣
視功名可指日取再詣賢關輒不利以命義自安惟篤一經之教歲在
戊子元定魁次榜元鳳亞卿書明年又亞禮闈已而元定一疾弗起宣
義能以理自寬明年元鳳迎侍赴江陵教官處官舍如家居晨興盥櫛
課諸孫學業申午還里中丙申元鳳迎侍赴江西漕幙在豫章如在江
陵既壽且康人皆健羨已亥言歸安人病舟至景德鎮竟不救享年八
十有三方其未病也嘗夢往游于禮莊之原及歸卜地於斯果吉遂以
庚子十二月十七日奉禮葬焉辛丑元鳳服闋授禮部架閣壬寅歸省
欲就迎侍居無何元鳳除國子錄改京秩抵京至有喜色賓朋奉賀將
迎不倦忽一夕寢疾翼日而逝享年七十有八嗚呼夫婦俱以壽終而
其後且將昌熾未艾天之福善豈不信邪女三人長適劉元佐次適吳
潛次適汪應耕皆業進士孫男四人彰祖榮祖象祖孫女二人長
許嫁朱氏次未笄初為安人營兆域宣義命虛其左俟合葬至是元鳳

從治命將以癸卯六月二十八日祗奉襄事前期屬其堂兄太學進士
元迪叙次宣義安人平生行實來乞銘予與宣義居相近又與國錄以
詩經相先後取科第契分益厚當宣義過豫章時午適奉老母扶護先
大夫歸葬獲迎拜于巖溪沈厚寡言典刑前輩深切敬慕且念其于飛
往就榮養不勝我心陟岵之悲飄忽七年間午猶幸將毋竊稍而安人
與宣義相繼下世矣限以職守無由躬致生刍之敬則其於銘何可辭
銘曰

夫夫婦婦教隆義方禮闈擢桂一枝獨芳安車雕軒迎養具慶于將莫
邪佳城同藏鑽銘于石昭示無疆

友仁先生許公大壘壙記

許山屋

許氏姜姓也先君諱大寧字寧之徽州婺源許昌人故簽書樞密院事
鶴山先生魏文靖公嘗友其仁曰天下仁人也以小篆扁其堂曰友仁
對客稱為友仁先生曾祖考諱良故尚書工部侍郎秀岩先生李公題

墓道云有宋善士祖考諱安國參知政事鳳山先生李公署以淡軒居士墓道考諱琳故左丞相克齋先生游靖獻公以長者書墓道之顏先生生而秀穎孝友異常兒左右就養四親異之十年哭淡軒誠哀如成人厥九年喪長者於是大母張母胡兩世隻影墮於雙鶴先生哀盡然有以得兩母心生其死二昆曰吾有弟矣張夫人沒十有五年而胡夫人卽世先生哭之若喪長者而哀曰予爲童子時筆墨洗空畦徑諸老先生摩其頂曰希有希有朝廷方以進士科級人予傲兀其間歸而讀有司所可者皆予始所爲後改之者也念吾母欲進士予爲之又三年矣今吾終不復有母又奚暇進士哉蓋自是不應書先生和平温厚視人猶已過人不欲人譽已濟人不欲人德已性於天世於家其用力於求仁深矣有蘊年者先生爲之誦西銘曰謁糴者豈獲已哉挾金不多人往往厭其煩餓者由是衆必多金然後得糴得糴者滋寡殍死者山積安乎先生手權衡背汗滂若無秋毫厭射意糴未徧家人云食終不

食曰一人糴其家待而食者且十人饑吾一人以食之胡不可人私其私以隣爲壑先生不間遠近一之以西銘歲數戶若干口人予之粟曰糴者西銘理一予者西銘分殊也樂其病棺衾其死泉幣其窮無告者不必族姻然不幸麗街楊卽衣續之逕徑關之石之川不梁造舟而梁之衣冠佩玉不動聲容而悍者神伏狡者心化有不善萌焉畏先生知不敢爲者甚多訟不卽有司而之先生之廬得片言皆失其所以爭而去常曰松柏之下其草不殖爲富不仁者未嘗學問爾故先生之鄉貧富皆得所安急人之急雖犯大寒暑當大患難得疾疾致空乏爲世非笑了不顧二昆旣逝卹孤扶危有人所甚難者平生祭必敬祭已必哀事尊者必盡禮遇少賤必降屈犯之不校滄之不濁性有常度終身如一日家傳紫陽天子之學學者問疑刃解輻輳見其進則喜如已子異時病中讀韓退之文杜子美蘇子瞻詩終身不遺忘曰吾病未嘗無所得晚讀黃魯直詩而說之故暮年詩體一變月卿初能言抱而教之曰

段秀實笏擊朱泚顏杲卿面折祿山簡冊有光精爽如在惟爾英烈追配古人此高宗皇帝追賚李公若水訓詞也小子識之淳祐四年月卿幸賜對因憂動逸樂之間極陳時宰以逸樂二字爲竊權之本考官懼第爲五甲有旨陞第四先生喜曰真吾子也月卿兩仕危邊人笑其左先生曰吾教之爾好賓客無日不投轄築群書樓愛蓮閣一觴一詠至者忘歸客方貴盛禮不爲如其落陷窮悉力拯之不倦盤錯游刃而沈靜如愚使用于世才德之傑也生於紹熙四年十一月二十日癸未沒于淳祐九年七月七日丙子得年僅五十有七神明不亂笑語而終知與不知皆爲流涕更相唁曰世復有仁人如是乎有雙桂堂藁若干卷先生爲善不斲人知其誦言曰陰德如耳鳴人知之者豈陰德邪娶李氏子勇月卿承直郎前差充淮南西路安撫司准備差遣協卿後仲氏日卿時卿業進士女適俞有大張沂季未行嫁孫男允茂允薰允莊允英允芳允葵女五人十有二年冬十有一月甲辰葬北珠潭之上孤月

卿泣血記門生國學上舍正奏名李嘉科填諱

新安文獻卷九十一

乙集

新安文獻志卷九十二上

乙集

行實 世德

場圃處士吳公墓誌銘

方虛谷

孔門曾氏自箴鏗瑟言志與二子異說參生元元生西猶羞比管仲吾
 鄉友堂先生吳氏從朱文公游世傳其學高風似之元祐中大梁王立
 之以詩鳴其父才元舍人高貲園野甲一時能致蘇黃及晁張諸文人
 陳無已晚為賦頃有亭者立之遂為江西宗派之一友堂之孫曰處士
 場圃公公之子曰古梅郡博士見與名勝又似之回生後公獲與博士
 為詩友曰幸解郡休官將從是家賢父子搜玉色舊香之句以想像零
 沂之詠音而前進士紫陽山長曹君涇馳介以狀來則公已厭世而僊
 矣顧晚後何敢銘長者然平生讀文公書見集中稱友堂為吳叔夏如
 滕德粹德章程允夫必求其後納交而癖耽吟與博士好亦不啻如
 無已之於立之是銘也其庸辭按狀公諱豫字正甫宋嘉定二年己巳

二月二十有二日雷乃發聲而生祖友堂喜以坤下震上之卦名之公
先居姑蘇十世祖徙歙於今為徽州其季徙宣城者為履齋丞相潛家
六世祖曰用清以財雄五世祖曰福產益殖門益大曰元禮為公高祖
曰作德為公曾祖業儒有聲是生友堂友堂之從兄曰映登淳熙二年
進士第皆福之子元玠元珪孫也友堂之從子曰佐王曰德成曰景仁
接踵儒科凡五人學施有政而友堂諱昶獨終身守其師文公之說意
薄進取文公歸婺源率先執經至禁偽學徒走寒泉精舍不懾與存齋
鄂州猶庵鄂州一羅公願願內翰野處洪公邁尚書文簡程公大昌文
字友文簡著雍錄禹貢圖演繁露等十餘書多賴折衷晚以所輯書說
史評等授其子諱儀即公之考也公曾祖妣黃氏祖妣胡氏而先大夫
人亦胡氏如曹大家通貫經史甫冠失怙歐血彌年世父學行先生錡
入上庠為前序文行高古奉母命就正焉及母喪號慕骨立歲時薦饗
家廟神主祭器制度如古禮壹守學行規訓遠逮白首言及二親猶泣

下當壯歲別業失泉數鉅萬父乃知為里中子闕亡移舟左右欲執以
詣有司公恐敗其名竟絕口不復道東阡西陌故人出服休采傳經訂
律治賦行軍疑丞岳牧往往而有以世路之未夷也形役其心尻高其
首危刑辟之陷弁必讒謗之風濤亦豈少哉公曰如以古鄉二物實興
者我亦往矣我讀書不求甚釋訓詰章句聲病帖招非我所謂學也小
得者鉅喪先笑者後號有一人有衆人非心悅不誠服有今世有來世
非事又不論定倡義役也敗名利已者側目惡淫覘也鬼道誣民者折
角是是非非於直枉而面折人過也間有經濟詆瀾椎牟悍酗者初亦
不便綿時歷歲以觀諸天從降命逆隆威然後翕然脊化中年諸子英
妙秀發而博士大篇短章儒林丈人行見之驚屈吏部秋崖方公岳眇
視四海端明後村劉公克莊六十年專詩鉞其賞拔如坡於唐子西谷
於高子勉也公謂肯友堂之堂其在子矣取齋七月之詩於禾稼間築
場圃以自老傲陶弘景為層樓以娛賓客丞相訥齋程公元鳳為書其

扁曰與汗漫期為堂曰延芳諸書餘萬卷圖書稱是許比閭後遂觀摩
麗習於茲博士又為堂曰躋壽以為將微與問之地然處常易處非常
難商之孫子其麗不億侯服于周祿將于京彼山頭望廷尉之徒乘隙
束緼以焚巨室何廷尉望山頭人傲賄詭禦暴公弟聽眾指目主名實
負恩反噬者請治公弗忍絜燼餘之南山之南辛場圃猶歸然則首蘿
落茸墻壁益穿池種樹作米家書畫船雖向之籤軸不具而官寓叩門
無虛日惟飲少輒醉好客不衰博士起布衣典鄉校踰四年以文公之
道友堂之學復長臨容公聞而歌曰養顏之龜芸人則那我有場圃歲
晚如之何博士勇徹臯比日侍膝下歲辛巳季夏日己巳曾孫生生之
日公之年家人以白大喜名之曰桐老蓋取鄭小同之義而以其支干
所屬燒以木焉博士亦喜弄孫方治具延湯餅客為公壽而明日疾作
踰月以至元十八年七月八日卒年七十三公娶胡氏張氏汪氏皆先
公卒張之大父曰贊太學內舍水南望族男三人皆張出長龍翰即博

士鉅公老師字之曰吳式賢後生晚進尊之曰吳古梅次龍光丞相訥
齋以其甥劉氏妻之先公二十二年卒年僅二十五次龍翼以後從弟
先公二十一年卒年僅二十孫男三人霞舉有易學丞相訥齋以其兄
之孫妻之次霞蔚尚幼龍翼之嗣曰霞尚女一人許適汪祖尹曾孫男
一人即桐老烏平原人之行可以愚鄉曲而不可與遇一朝之變舉子
之文可以霸場屋而不可與論百世之遠盜賊兵革數也室廬費用物
也物不能逃乎數之外而公之帝臨天隲者不與物囿於數之內攸好
德考終命全而生之全而歸之其無愧於行已如此博士初應里選深
孝弟之根窺性命之奧非以賈青紫也噓天葩吸月卉轢先秦肩盛唐
後子雲必好無疑尚書直院王公應麟天卿檢正宇文公十朋武魁南
雄守程公鳴鳳亟稱之蓋淵源有自也其無愧於教子文如此博士將
以十月二十八日庚申奉重窆于郡城之南七里實公所自卜姑識其
大者以銘銘曰

季氏八佾昭公乾侯雖孔之憂非孔之羞友堂速肖竹林滄洲韓史之
世孰由孰求泰山之陽大盜曰虎未聞善人爲其所脯劫火不灰存我
場圃心焉爲苗德也爲宇載謀載裕曰典曰墳不詭以獲燕及後昆維
友堂有孫率舞于韶人而無耳鏘其文聲祝合敵止維場圃有子此之
所有彼無之禮後言詩西河之師此之所無彼有之不才窮奇史撻厥
辭梅也實也桐也支也不蝕不糜傳不在茲

存耕處士汪公墓誌銘

王路總

大江之南吳楚之區歛西有州婺源婺源有世家汪氏觀夫世數之近
遠事業之崇卑則前人積累之功有可得而徵者矣傳所謂德厚者其
流光德薄者其流卑詎不信哉至正十二年春汪氏有德麟者以其大
父安南等處行中書省左司郎中庭桂碑石未建介州人王元奉前進
士余深狀致辭於宗老尚書汪侯侯覽狀曰真豪傑之士圖不朽實予
之責焉老病命宜興州判官用敬以余公狀碑門生寧國路總管王球

爲之辭敢不諾且請福建廉使貢師泰書其文中書平章政事張蔡公
珪篆其額俾德麟刻焉汪之先出於姬至魯成公支子汪受封食采潁
川至孫都司馬誦始以王父名爲氏爲六十八代祖至今世系皆可考
詳見世譜錄中其始居烏聊者則越國公華奉籍歸唐有傳在大史氏
總戎來鎮婺源者兵馬使道安徙婺源者御史大夫清得禦保民占籍
黼溪者則中元也於君爲十三世祖曾祖頴川學諭願生倬則府君之
大父也考通母程氏祖父皆以善及人垂休委祉逮于郎中公起而承
之公謹庭桂字秋芳別號存耕幼有大人志廣額豐下目光如電神采
毅然性資睿十三明蔡氏書十八舉進士第授紫陽書院山長積階至
迪功郎廣德軍司戶參軍善騎射執孫吳兵法以策于南康知軍葉公
闔公奇之未幾謝太后詔天下立壁壘以自衛愚民幸變公爲文諭之
聞者敬畏既而宋社屋矣遂絕意仕進元圭兄弟以周勝納降卒成者
公力也會劉國公平安南版授公本省左司郎中辭曰能終養父母足

矣不願乎外也士大夫益以是高其風公之才之美過絕人遠甚監郡
馬思忽良二千石也公一見侯輒加器重恨識之晚公言五事凡誅黜
吏者十餘人平反死獄者二家出僞楮株連者百人侯服明允凡政事
有所未達輒咨訪由是留置館舍顧遇日隆府判木忽賓往賑公預出
所儲以濟流享其不能自食者倅笑曰諸大家積庾廩棄歉為己利公
對曰公私賈之道僅相望吾能獨享所有邪其處心蓋如此與倅坐堂
上諸孫以次進拜說書倅舉觴告公曰能遺子孫以詩禮實中朝希有
族子文冒犯先墓出之終身不得與宗族齒有婦早年嫠居自誓靡他
舅姑欲奪其志公戒之以全節婦其啓迪人多此類能使人化服若是
年在鬻亂時諸父常等疾之再謂公考曰宜擇賢之後群從諸父兄弟
病於征徭公不修宿怨反出私財以佐集事婦舅氏程妻弟李終養其
生死葬焉其篤於倫理又如此其於賑鄉善族卹姻字貧又有推仁之
才暑粟之周禦寒之續免利之悉死無治喪者給棺衾修川梁逕路以

濟往來免官驛之病民建法輪以超絕胤為惠尤大事親孝親歿殫力
市塲親卜佳兆振門戶樹家聲百發具舉制節家事嚴而有恩妻子聞
其聲歎皆歛手正容毋敢肆也晚構樓西山麓以自娛公生宋淳祐戊
申二月八日歿于今天子至治元年辛酉六月四日壽七十四往弔者
戶外屨常滿如喪所親為當時歸重如此夫人李氏與公同年先八年
甲寅卒子琰等奉治命葬休寧楓木嶺其次子琮以狀介處士黃清夫
詣京師乞銘於澹翁張公有故得篆額而歸焉子男三人長琰次琮次
琪孫男九人德馨德禮德聚德麟德和德本德均德美德慶德美天曾
孫男鎮祖毅祖煥祖應新繼祖光祖英祖康祖文斌隸祖昭祖宣新文
偉文亮文啓惟公之里居世緒列於家傳超操行事施予惠利播於余
公所為狀庸敢掇取其大者以為植德之符而表顯之竊觀自昔草昧
之初出其經綸之蘊以翊扶輿運者固已榮雋功而建築名其懷才不
試以節行自保而甘老於丘園積久必發亦莫不有以庇賴其子孫表

見于後世蓋木必其本水必其源本深則末茂源長則流遠豈偶然哉
有若郎中公親享其報年登八袞及見其二子九孫為時俊傑此則世
之希有者也且曾玄蕃衍又能顯融以亢其宗豈非積善之報自有不
可揜者歟銘曰

顯允汪公展也全人惟忠惟孝萃于厥身其忠伊何不仕二君其孝伊
何歸登樓親動人者義澤深者仁詠歌道德為時貞民用能廣其厥家
而儲休委祉于後昆蟬聯五葉彌久益振推述潛德表諸蒼珉揭于墓
門曰忠孝之子孫

元贈光祿大夫大司徒柱國追封楚國公諡孝肅程公

錄

程伯洛

公諱翔卿字羽道初名應龍生于郢之之京山自曾祖至公居郢三世
矣家富而遵禮義宗婣之指數百戶外之履常滿邦邑稱為望族時號
長者之家公謹厚明敏讀書通大義未冠侍親奉大父避兵乘舟東下

南入彭蠡營吳城山濱湖之地以居公兄弟三人而公居長其父師曰
居家理故治可移於官長子克家者也蓋自治乎於是一門之政悉咨
于公持身御眾斬然有法內而奉日旨教子弟外而接賓客館遊從雙
親壽考仲李宦成公之力也既而李曰飛卿受命守建昌公侍父母就
養郡城南隅有故侍郎曾穎茂兄弟意址公捐金以贖其地築室奉親
居之孝友之道雍如也先是飛卿以進士佐洪闈即吳城建壕柵集義
兵禦外寇公散家財鼓士氣制馭其中隱然重鎮至是宋鼎告遷公審
機識變決策全城撫安境內日惟以止殺戮安凋殘為勸戒由是存活
益眾洪盱之民沒世賴之而公不以為德也至元丙子中軍元帥呂公
師夔將命來盱江見公而器重焉大將李公恒表聞于朝特頒璽書授
公朝列大夫管軍總管佩符綬兄弟分任兵民建節一邦金紫輝映
時人羨之而公不以為榮也又明年公子入宿衛旋貴于朝公即謝事
營別墅城南之繞堆距城可三十里象郢之石城構屋為游息之所自

號石城居士將終老焉或挽其入燕京公曰吾家積德累世嗣子行顯
用矣獨不聞王氏植槐之事乎吾尚何爲哉壽七十五考終于家生宋
嘉定辛巳四月七日沒元貞乙未十二月四日與夫人李氏俱葬繞堆
大體山之陽子孟一早卒女適建寧路判官曹某趙某同知其路事江
其我大父文憲公自幼以從弟來後從宋制也公沒時文憲公持憲節
閩海奔計歸葬藩憲之僚守貳將帥弔祭盡禮所謂生榮死哀者邪至
大戊申文憲公以翰學議中書事制特贈公正奉大夫參知政事追封
鄂國公謚孝肅延祐丙辰加贈光祿大夫大司徒柱國進封楚國公夫
人李氏由鄂封楚制詞畧曰活千人者必封事將有待作三軍而謀帥
賞未足酬故具官程某私毅而孝恭高明而肅括因心則友早竭力以
事親順天者存克沈機而先物千里之風塵不聳一方之塗炭獲甦並
疇昆弟之庸分任兵民之寄碩乃功成不處抗志自高又曰早躬孝弟
之行晚甘恬退之風實不酬勞遺愛未忘於千里教之能仕移忠遂立

於四朝又曰身居公鼎雖不逮於生平手植庭槐尚適觀於世濟嗚呼
盡之矣公沒垂六十年而陵谷變遷故老淪謝遺事不傳謹採摭行實
書于家乘以示子孫毋忘可也

孝善胡先生斗元墓誌銘

戴帥初

元貞乙未歲冬十月十有七日徽州婺源鄉先生胡公卒聞卒之日自
公州甲宗黨知識若遠外學士大夫皆嗟嘆失聲以悲其門人子弟俞
洪等一百十五人相與攷次公平生言德用古隱君子私謚例尊稱之
爲孝善先生公之世本出大唐李氏五季之亂逃來寄姓於考水之胡
因籍焉字昌翼以明經中科八世至國子司業伸與同郡汪內翰藻齊
名元符太學所謂江右二寶者也弟侃所著書有胡氏家寶隸華集存
于家自是又二世有徙考川居婺源郭東集賢里者以學行推擇爲鄉
校正諱允濟於公爲王父四世有通五經尤精易撰易傳史纂號易簡
居士諱師夔於公爲父一門十餘葉縉素相傳故徽之他胡雖多聞家

而獨考水之宗號明經胡氏公諱斗元字聲遠少孤師朱文公從孫小翁受書說年十四始從小翁聞居士所授易學刻意探述日玩一文至七日則通六爻循環習之白首以為常亦以此教其徒當貢舉法行繳士豪楮筆起山林出與四方英俊爭進趨往往高捷鄉國每三歲上公成均有司不足以知公至輒聞罷乃徑歸闔門養志以樂然慕從之遊者遐邇如歸餐筆茹實人可為良儒嘗曰乾專言善坤兼言善不善乾之善世吾無及已坤之積善吾庶幾勉之早夜修飭懼辱其先尤以不逮養為終身憾春秋朔望拜祀像涕泣不能已坐龍時躬灑掃老不避勞人謂年彌高而慕彌深者於公見之噫嘻公誠可為孝善也已年六十時忽語諸子曰吾筋力覺衰遊人間世當可餘十稔願考水吾念之不能一飯忘吾死汝輩必葬我考水至是論訣復屬諸子我家明經胡氏子孫汝輩力學積善無辱我享年七十有二諸子以丙申秋九月十有七日葬公考水之高倉太守涿鹿翟侯大書曰孝善先生之墓取魚

氏子男三炳文煥文燦文女一孫男四念祖振祖光祖德祖孫女四於是炳文以其鄉先生方使君回前進士江雷胡次焱程龍之議與狀來焉銘銘曰

燕其獨轟其伏既安既穆是為孝善之下

中山處士汪君應新墓銘

虞文靖公

君諱應新字元美姓汪氏新安之祁門人新安領州邑六民生眾而多秀汪氏居十八九又溢出旁郡而處處代有顯人君之先自歙之黃墩徙祁門之石山釗自石山徙邑南之韓溪其五傳有兄弟七人並以才賢稱據縣志其弟五人世容之子深分居桃墅之別業四傳曰僑於君為曾大父曄其大父燦其父也燦字明夫世治進士業鄉里謂桃墅曰儒林矣燦早卒而從弟文華字榮夫有五子明夫之配王夫人請以君為之子初榮夫之夫人程嘗以果餌賜諸兒微示予奪以觀其志而君弗變也其親賢之榮夫與羣從昆弟學於鄉先生趙永如氏與故中書

右丞燕公公柩爲同門至元初燕公既貴招汪氏兄弟爲祿仕裁冠褒衣以居弗從也而榮夫又嘗從雙峯饒伯輿氏學而有聞焉者也君之爲明夫後年十三歲事母有孝道時方多故補葺家業以爲養處鄉里姻戚歲時無闕禮毋不知其難孤姊妹未嫁者三人竭力營資裝嫁之各得所歸娶康氏同邑貢士且實之女善事於姑勤儉以相成其家君有賓客延待無勸孤姪未嫁脫簪珥以嫁之一門稱其賢君與同產兄弟雖異居而周恤扶持人無間言其教子有過則責之其嚴知改則說之如初其子曰義隆義彰克仁克寬克端皆業儒義隆早卒克仁爲伯氏後女適同里余友仁友仁卒而守節誓終其身孫男七齊益希景偕均老女四曾孫男三鏗鏞鉉信乎其爲儒林之盛也夫君資幹聳特偉然丈夫平居無惰容嫺語剛正自任議論忼慨博洽稱其家學嘗著便民二十條皆民間要務將上之臺省而不果是以人信其才之可用也乃不見用其命也夫生宋開慶己未十有二月廿又九日晚游江淮間

雅好山水識其性情之妙而樂之年且八十髮不變白耳聰目明居鄉里間舍輿而徒亦弗杖也常如五十許人桃墅之居特起之峯曰中山君構書堂以處鄉里號之曰中山處士云溶其先塋之所在也君少年時或易君而侵其封君力陳有司四年而後得直其人敬服君且老屬其子曰吾歿則祔於先塋仍改至元戊寅六月癸酉居室火君夜半率長幼出避之家人請還救器物君曰外物也無傷人足矣怡然遷處別室以居既而得疾諸子治醫藥甚謹君曰吾生於憂患瀕死者屢矣年已八十復何求哉遂以是年九月二日卒康夫人生少於君四年卒後於君一年己卯十月七日也其孤將以至正二年十有二月乙巳奉葬諸溶口克寬以其同郡同姓承直郎南康路總管府判官巽元所著行狀徒步千里來求銘予識巽元于京師克寬方赴南宮在焉今十有五矣克寬論春秋於胡氏傳最習能通其類例以爲書秦定丙寅以其經薦於浙省有文聲于東南以君夫人之養嘗居家今年天子復以進

士取士而克寬齊衰未除也企其為學行將有光於儒林也夫故為之
銘曰

新安之汪族徧其邦其貴有加其厚有封鬱之儒林居十餘世舍英茹
實子孫孫子中峯之隆可出雨雲盤礴弗施蓄而彌文浴有先聖冲氣
所始遠而思復培本之理是用表之別異其宗後人彬彬以承顯融中
山處士汪公墓銘一通其文則虞文靖公集所造其作隸古書則南離
守楊君益也處士之子其真進士克寬既已勒石墓門今年克寬與濂
皆以纂修史事被
召來京克寬復出以相示請作小篆書之裝黃成軸以傳示子孫嗚呼
處士之歿已三十有二年其藏體魄於墓亦且二十八春秋矣克寬能
備之弗忘如此非厚之至者乎非欲昭先德於無窮者乎人聞克寬之
風可以知勸矣洪武二年六月二十
四日前起居注金華後學宋濂謹記

元江西湖東道肅政廉訪司經歷贈嘉議大夫中書禮部尚書
上輕車都尉追封滎陽郡侯鄭公紹墓誌銘 危太樸

公諱紹字仲賢姓鄭氏世居徽州歙縣之長齡里四世祖顯文宋迪功
郎諸王宮教授曾祖世卿祖天麟武節郎積善尚義至元十三年大饑

發廩粟活數千人鄉黨稱為長者生二子長太學生孟孫贈從事郎信
豐縣尹次貴孫贈亞中大夫同僉太常禮儀院院事輕車都尉追封滎
陽郡侯配汪氏初封宜人繼贈滎陽郡夫人次可孫公之父也母鮑氏
生二子公其仲也為伯父後資質穎異師前進士曹先生涇既長儻
尚氣誼喜周人之急不計有無推食解衣無吝色兄弟雍睦既分財產
公一以讓曰吾所知者天倫之重爾家聲由此益振從外舅汪公巽元
遊官吳楚內翰趙文敏公歸老吳興與語奇之薦為鄞山書院院長書
院棟宇傾圮教養久廢修治惟謹借注保昌縣文黃若巡檢廉介自將
境內清肅雖陽楊公益守南雄待以賓禮未幾蘭河平田上翔等寨缺
官郡檄公摠攝治効尤著久之民有急難者赴之病者藥之俊秀者誘
教之未三年頽墮之風遂革廣東宣帥用楊薦辟為史漳州民李叛公
從軍潮州運籌招捕未嘗橫戮無辜者至正二年調將仕佐郎南安總
管府提控案牘兼照磨承發架閣大黃五寨之民間公始至不遠數百

里具雞黍壺漿羅拜庭下曰明府德化素孚於我我等何敢忘故來爲
南安賀僚屬郡人莫不驚嘆公馭吏有方文書清簡郡爲要衝過客旁
午送迎無虛日舟車之資慶餞之禮多竭私帑以供之或家兒從事貨
殖者公聞輒曰若此雖廉吾所不取貧而能守有餘能施乃吾志也至
正七年升從事郎贛州路雲都縣尹吏或白公止邑民之訟必以法繩
之公曰吾與之相安無事民何能生訟居歲餘部使者以獄空訟息大
喜語郡長令公曰雲都治蹟甚高可善遇之時令公下車未久卽遣使
宴勞仍命詢訪旁縣民應興國縣民之寃公爲申之未幾冠犯江西贛
之屬邑皆陷獨雲都賴公所作新城示以守禦之方縣卒以安尉馮深
招諭葛均平頭印山青塘等寨卒無成說郡府申命公行民間公至皆
涕泣縛其首惡五十餘人送郡亂由是息近臣祭南海還以公名聞于
朝十三年御史臺選爲江西湖東道肅政廉訪司經歷進徵事郎未及
赴九月庚申以疾卒於雲都官舍享年六十有六贈奉訓大夫大中正

府左右司郎中飛騎尉追封休寧縣男加贈嘉議大夫中書禮部尚書
上輕車都尉追封滎陽郡侯娶汪氏封宜人贈縣君追封滎陽郡夫人
子男三人潛泉州路總管浩瀨女三人長適吳鶴次適羅相次未嫁而
卒孫男四人權桓榭繼女二人曾孫男三人女二人初潛聞訃奔喪至
於關道梗不能進迺卜邵武某鄉芙蓉陂之源將葬公於此乞予銘之
予嘗識公於京師以事過歙聞公與夫人賢行汪公方致政家居期待
殊厚銘得遽辭哉銘曰

治世之吏鄙夷遐荒羊狼貪食惟其殃公用儒術警邏保攘總攝五
寨民物用康宰邑雲都化服有方涕泗歸欵免于斧戕邈彼下土政教
靡詳孰扶爾弱孰擊其強稽公之蹟惟德之將惟德之將惟後之昌尚
被封爵家世用光招魂瘞此閩粵之疆于贛于徽千里相望勒銘芙蓉
何必故鄉

歙士吳寧之 以寧墓誌銘

虞文靖公

徽吾朱子父母之邦而所封之國也是以多君子不可一二名歛士吳以寧字寧之中郡城以居能處其家而有善人長者之目於一時可謂難能者矣其生以前至元甲申之二月初娶蔣氏生女一人而沒再娶於鄉生子曰國英廣德路建平縣儒學教諭曰朝英習進士業女適胡執中次在室寧之年六十作壽藏於郡城北鳳凰山之麓以待其終暇日則攜酒饌賓客而往樂焉兼有曠達之譽矣年六十三而沒則至正丙戌之正月明年八月奉之以葬國英之受業郡庠也里人汪克寬訓之有師道焉是以國英等請述其事而來求銘克寬曰寧之居近闕闕而世俗公私之務雖無所不聞而未嘗有所干謁闕齋居於門內藏書數千卷勗其子以學非名師良友弗致焉郡縣守令有終更不得見其面者而賢人之車轍履迹多在其門戶故翰林待制楊公志行大儒也方嚴少許可其官於是鄉特書汝舟兩大字以表其齋居蓋知其可用於當時而又有望於後來也往役于官凡鄉鄰之民差徭兩稅力不逮

者悉自與之郡邑四交群嶺峻阻任荷負擔不絕少壯罷病每共其備以先之貧且賤者感其惠之有常也天曆戊辰蠻獠叛于廣南郡將盡發其屬卒以征兵徂素安弗堪也其悍者鍾乙等十餘人持挺入大家劫取私藏相捍拒莫之能制寧之家獨隨所有予之不競也事聞有司當卒以強盜之罪獄成九年後至元丙子朝廷命五大府遣官慮囚天下其至徽也坐獄者皆在而被害訟于官者已前死召寧之問狀及所以獨不告官之故曰兵興卒求賄耳無殺人意非強盜也官用寧之言破械出久囚者則長者之名所由得焉至正辛巳郡災火至寧之家而止其室獨完以為陰德明年官寺稍完復而又災鄉人待寧之而食者百餘人鉤戟繩鋸及致水之具以衛其家寧之謂之曰吾聞有災患當先公後私即率其衆詣府撤其西廡火路絕而官舍免明日郡長吏大為酒食以謝寧之弗受也又出楮幣素練者名而勞之寧之又曰親其上而死其長民之義也勞之則不見義矣郡人甚韙之晚為別室於

居左尚恬淡以怡精神不以家務自累名之曰一齋而人亦以是名之蓋逸樂以終其身焉克寬又曰歛之故乘在李唐時有監察御史少微而吳之宗皆出焉歲遠譜逸宋末自鄉而徙居郟城者曰彥珍鄉人猶識其爲御史之族云生子松無子而郡有汪氏大族聞於四方生其門者多材藝有名實松求諸其宗得道榮焉尤俊偉視以爲子而國初遠郡未有以自試稍推擇郡史已而去之優游養生之學著醫書曰去病簡要者二十七卷拜近體詩若干卷藏于家生二子曰安嘗征商於縣之松原其次寧也安長無子道榮命安子寧寧所以事其兄如父事嫂如母任子職而弗辭也他日安有子曰以潤九歲曰以德甫一歲而安沒寧鞠育撫養尤盡其慈愛卒之日又語以潤以不能盡喪母之禮也初寧母金生寧而去適於他有同母弟妹矣寧求歸養之不可終身以不得申其情事爲慊也其亦善處人事之難也矣銘曰
長者好惠常善救人奮挺爲強猶完其身反風滅災報以安宅赫赫郡

庭仰以無惠陰德之門善繼其存側恒逸休以遺子孫山鳳揚彩樂丘斯在神氣旋通餘慶垂代

新安文獻志卷九十二下

行實世德

吳處士伯岡墓誌銘

解學士

新安齊國文公闕里也遺風餘韻奕世猶存自宋亡元興時則有若程
 勿齋吳義夫汪古逸趙子常鄭彥昭汪惠輔倪士毅朱允升鄭師山唐
 三峯傳至國初以性命義理之學講淑諸人皆不失為文公之徒也
 予嘗聞而為之羨慕之今戶科給事中無司經局校書吳心彥守新安
 之世家也同官多暇因考論其師友淵源而君為予汝以以奉唐君
 傳所為其父吳處士伯岡行狀求銘勒於其墓安狀伯岡從學於子
 彥昭而講於真輔以下諸君子儀三峯之子也文公之澤豈不長哉
 吳氏系出漢長沙王芮四男分居新安休寧歙縣其後有諱少微者
 唐為御史曾孫瑤自休寧徙居歙之富饒瑤生叔臻叔臻生明明生
 興元甲子遷居海寧超生春春生天推天推生琇為令休寧因勸農

諸鄉愛金竹山之勝復徙家焉第四子依舒通守閬州者分居吳田依
舒生子志子志生泉湧泉湧生士雋士雋生積積生道傳道傳生琬琬
生逢辰逢辰生梓榮宋迪功印吉州泰和縣主簿梓榮生彥松彥松生
邦呂歷官成忠郎年九十餘乃卒邦呂生柔遇柔遇生賁龍元承直郎
太平路繁昌縣尹號屏山先生生之泰之泰生淵字萬頃號白雲先生
是為伯岡之父其配某氏伯岡之母也伯岡諱玉林甫歲日記數千
百言皆通大義成童有詩名習舉子業齊輩推服試有司不利未嘗恨
父子師友之間講明學問甚自樂也天兵下歛碎為參軍未幾棄去竟
以隱終方元季兵興時伯岡總其家政內外整肅事親極孝養尤克方
其弟祖瑤遭橫一身當之而弟與親不知也妻之先宋丞相元鳳諸孫
盜乘亂欲劫其家其家逃匿盜蹤跡之欲加害伯岡盡出其私財與之
以免之里人有疾眾謂不醫竟活之其收養孤遺賑恤窮乏
如將父也中土宜稼而常心

而旦不為之災民咸

給之里人咸服其義右

是亦為政非伯岡之言與伯岡平上斤

二十卷藏于家生於元延祐丙辰五月十有

一月四日享年五十五後十五

後二年卒年八十一子男二人長樵早世牧即彥守

積擢紀善今官女一人適上翔男果善功遠孫女

顯允吳君篤實之學良貴既

鄉仁恒其族鄙夫吝財割身藏

求璧我竭我藏庇其親戚其生

贈嘉議大夫都察院右副

楊文定

慕人衣轅

私資築

寧其後官

公順道神

以族人宜會終

云施於

吟

至

干

干

公歿之四十八年 朝廷以其孫貴推恩 制立碑

侍郎楊寧所述狀請予文予與富有斯人 許立 誥德

字行其先出重黎之後自伯符封廣平累 兀譴 功

有善政賜田宅於歛因家焉傳十三世有 洗者

卒謚忠壯立廟歛之黃墩歷代崇祀其他 曰

承緒惟謹夫孝友百行之魁公事二親得權 曰兄弟

人自幼至長友愛無間 且此其孝友也道之所 公以禮義

為教每旦坐堂 上諸子 婦序立 下聽訓 退一門

之內長幼 少有過 誥責之此其刑于家也 成

人公身 曰苦不啻 一濟之惟恐不及隣里 居下

禮者 以假其贊 能償則焚其 九教子幼

病乃 曰恤人之心倦 如也起家之道 顯增光先世者皆由子孫誦書知

乃遣充郡庠弟子員命諸子歲資衣食之用使專心問學復益以一廛

為後日養廉之資其教子孫之意至矣富永樂甲申以鄉貢進士起家

卒業成均授監察御史巡按江西以平賊功陞大理少卿累陞至副都

御史歷官三十餘年荷 國家推恩先世贈公嘉議大夫都察院右副

都御史 龍章鳳詔光賁泉壤人咸謂公積德為善天固報之非倖也

壽六十九洪武己卯七月二十四日以疾卒是年十一月葬邑之仙人

巖祖三益考雷雨世有善聞俱隱終母歿氏族里稱賢娶吳氏繼室汪

氏皆名家女俱贈淑人子男八人長仲仁副都公之父吳出次仲義仲

禮仲智仲信仲友仲文仲武汪出女三人長適項以忠次適畢宗願季

適巴以文孫男二十四人長曰喜次即富也曰彥通曰彥珉曰學可曰

學進曰彥器曰彥傑曰彥舉曰彥鵬曰學初曰學賢曰學能曰志學由

鄉貢進士令弋陽以廉勤見稱曰彥清曰彥榮曰彥昇曰彥祥曰彥昭

曾孫養中養誠養耕等五十二人後嗣之盛皆積德所致也嗚呼以公存心制行使其出用於時必大有爲以廣利澤而乃歛器弗施終於家食人孰不爲公惜邪及其孫荐膺顯任 國家推恩於既歿之餘人孰不謂天之福善不干其身必於其子孫也况富爲時名臣能聲偉績振耀當世駸駸未已易曰積善之家必有余慶詩曰孝子不匱永錫爾類後之人尚體念之哉銘曰

孰約其躬孰顯其終約以俟命顯以善功紫陽奕奕懸水融融山環水遶君子之封惟後之振惟前之光宜爾子孫篤念無忘

贈承德郎行在兵部主事吳公發行狀 方怡菴

贈承德郎行在兵部武庫司主事吳公仕仁葬有九年子寧始蒙恩以已官贈公謂勉同里俾狀行實將求文以表諸墓按譜吳之先出延陵季子至漢則長沙王吳芮唐則御史吳少微公之族蓋少微後也世居歙之澄潭幾六百禩曾大父諱祖大父諱關父諱森秀咸隱居弗

耀毋汪氏有淑德公之父兄皆系世而族伯父明善自澄潭出王莘墟宗叔雷應祀雷應者文英子也明善家雖饒裕乏嗣人擇公繼之宗祊僉允公既後明善曲盡孝養事母許孺人與庶母楊氏一如所生撫李弟士安俾克成立其篤於孝友蓋本天性公諱發仕仁其字頎然其躬美乎其髯風度凝重雅尚儉樸不事侈靡暇則披覽羣書沉潛理性至於陰陽醫卜堪輿諸家之學亦旁搜遠攷各極厥旨公生質美學術富鄉鄰有爭必質公門斷以片言悅服而退匱者求濟患者請恤公咸應之莫有吝色宜宗族於公而和好戚里於公而敦睦人徒知其存心濟物如是而不知其治身理家有道也明善當元季產稅甲里中役繁賦重久而困約 皇明撫運始獲休息所存者屋百間田百畝歲用或不給公竭力以持門戶不憚勤苦坐域第宇咸修葺之資產寔豐蓋復其舊配許氏贈安人有內助之力子男三伯曰安仲曰壽季即主事寧也英秀卓傑未童卯公遣入郡庠中永樂庚子鄉舉第庚戌進士筮仕兵

部 褒贈二親人皆謂公善教女四適岩鎮方未誠琶塘胡士亨朱坊
徐汝庭許村許蘊孫男七曰紹曰綸曰繼曰綱曰經曰縉曰紳孫女六
公生元至正甲辰冬十二月二十七日卒未樂丁酉春正月三日享年
五十有四越辛丑十一月朔三子葬公于歛北通德鄉龍溪之陽然未
有志者蓋有待也於戲吾歛良民若姓莫過澄潭觀公之孝友利物如
是宜其大濟慶源以承休祉而隱處終身弗躋上壽非囿於命與數邪
是知公之獲褒贈非幸也宜也寧之仕實發軔之始其躋陟顯顯蓋未
艾勉故備錄公之潛德併述其族系為狀庶幾作表誌者有所采焉

贈亞中大夫太僕寺卿程公 墓碑銘

李文達公

刑部右侍郎程君以天順甲申五月七日合葬其父亞中公母太淑人
于河間城東金沙嶺之原乃奉其世譜事狀請予銘其墓上之碑予受
而讀之嘆曰於戲天下著姓若程氏者無幾蓋程系出重黎在周休父
封程伯子孫遂以為氏其後世有程孤望著廣平至東晉新安太守元

譚始家于微傳十三世曰靈洗仕陳至開府儀同三司謚忠壯土人廟
祀之宋元累封忠烈王王十四世孫漢唐御史中丞歛州都知兵馬使
子南節居休寧陪郭公之所自出也初忠烈五世孫大辨北徙中山博
野再遷河南九世曰琳宋太師中書令謚文簡曰珣太中大夫生子是
為明道伊川二先生靖康末子孫從渡江居池州曰祉仕終休寧尉遂
與陪郭同居故休寧之程於二先生為近族南節十二世孫曰榮秀仕
元為奉直大夫江浙等處儒學提舉公之五世祖也高祖文貴宣義郎
德興縣銅冶場提領曾祖社至正末用薦為承奉班都知不赴祖言輔
叔祖國勝事

高廟為統軍萬戶死節南昌追封安定侯謚忠愍考社壽嘗應聘不受
官贈亞中大夫太僕寺卿妣汪氏贈淑人公字士明諱晟天性孝友洪
武中聘君坐累謫戍北方公在營處侍行即慨然有元宗志比徙于沁
再徙衛輝二徙河間雖徧經險阻家業不墜父母安公之養如平時汪

夫人有恒疾湯藥必親調齊每夜露禱求以身代者二十年未嘗以風
雨事鞅一日廢焉疾良愈弟晝公友于甚至弟愛城中里舍日估之利
即舉以畀之乃自督家人農未幾土沃田腴所得反勝城市弟又欲之
公復以相付無吝色既而晝喪撫其子女如已出侍郎生有偉質公每
撫其首曰吾家本世族不幸播遷于茲窮厄久矣振吾宗者其在汝乎
因遣入學親課其業底于成公襟宇闊略美鬚髯撫謙雅飭郡中名士
多願內交雖家不甚裕逢人急難寧自損以濟之性尤于諒見者知爲
善人嘗如京師有二盜尾其後數日將抵都城二人者忽相去之曰某
等盜也見公長者不忍劫以相懼其言動感人如此既疾革猶強起拜
于祠堂惟以親老不克終養爲恨公生洪武庚午十二月十一日卒正
統丙寅二月六日享年五十有七以侍郎貴景泰中贈徵仕郎吏科左
給事中天順初贈亞中大夫太僕寺卿配張氏鳳陽五河人父政洪武
中爲元城縣簿亦以誥誤謫戍河間母蔚氏時聘君與元城同患難而

相好聞淑人有懿行因求爲子婦蓋凡公孝親友弟教子處家之善淑
人相成之力居多舅喜賓客淑人躬任烹飪之勞能先事承順其所欲
酒肴有或置者即脫簪珥市以繼汪夫人晚歲失明淑人亦年六十矣
起居服食之奉皆身親之已而舅姑相繼沒亞中公早已下世二子皆
仕在外淑人竭力營二喪無違禮歲時相祀必務恭潔如事生者尤有
識鑒每侍郎有委權之榮親鄰入賀淑人不色喜曰是重其負荷者敢
以爲榮邪晚就養京師祿入雖饒而自奉儉素尤不喜僧尼巫覡每曰
此輩能煎人家範圍諸門者必令家僮磨去之壽登七袞玄髮不改初
淑人廿五年縣簿公得罪遠配凡所歷如宛城青塚李陵臺奇嵐城之
類淑人率能道其時與事每對家人語及之輒泫然曰吾懼汝曹不知
起家之難有自肆以取敗者淑人生洪武癸酉十月八日卒天順甲申
正月二十九日享年七十有二初封太孀人再封太淑人子男二長信
即侍郎也起進士敷歷中外清譽著聞次佑以武功至瀋陽中屯衛千

戶女四長適教諭白瓚次適王哲次贅田寬次適百戶江春孫男五長
敏政以童子舉召入翰林讀書中京闈鄉試經魁次敏德敏行敏功
敏中孫女二許適指揮子錢鐸千戶子趙瑛指揮子凌雲漢先是公沒
藁葬河間城西淑人之喪

今上遣官賜祭復命有司營葬事子孫顯名存沒有耀人謂公夫婦積
善之報蓋不爽云銘曰

程氏之澤遠且長前有貞君後循良陰功孕此忠烈王奕世金紫傳其
芳竭從江南居北方温温亞中德允臧上承下啓流聲光淑人系出清
河張婦功母道儀閨房一文一武侍兩旁文尤顯赫居巖廊嗚呼二老
真不亡存沒之寵迥異常錫有制命奠有章瀛城之東金沙岡守臣
奉詔營此藏喬木宰樹紛蒼蒼太史刻銘表玄堂後千百年殊未央
學士求新劉公定之程氏義田記 兵部尚書兼大理寺卿程公彥實
葬其考亞中府君姓太淑人于河間郡城東金沙嶺之原塚其塋焉田
五百畝皆公所有者公以 祿賜 足贍其私無賴乎是田矣於 是
告祖禰旁會宗戚府召佃 祿賜 足贍其私無賴乎是田矣於 是

三分之其所以供吾祖禰之祭薦祠墓一以供吾宗戚之祭
葬一以給爾佃傭之事畜養償其勤俾勿怠庶收入有常焉
復著簿籍開條目示儀則堅約束俾主祀事者司之擇餘用者析理之
公屢與予道其事乃命長嗣翰林編修克勤來謁記垂久遠夫事之
皆由已志然非與時遇合弗成也成而非有賢繼之其久遠可必乎
昔范希文義田其志蓋謂吾先世積德百餘年而始發於吾若獨字富
貴何顏入家廟向使希文不出將入輔此志固無由遂抑非有主器善
繼若純仁雖遠矣慮或墮焉搜庫緝以惠鄰黨捐舟麥以贖故舊純仁
之識其子之將光大也而果然焉噫豈苟然哉德厚而胤昌也國之
業且箕裘是似家之義田其蓄蓄是永矣難哉公欲又遠義田尚
厥德且期克勤圖之予記不克若錢公輔然事關義文宜無斬
子較藝丙戌春闈所得士又選屬在院亦宜為公期焉公之先家徽
忠壯公靈洗蔓延厥系于海內明道伊川實祖之其自徽來河間則近
在皇朝
初載云

竇山處士程公景華墓誌銘

丘文莊公

程以國氏出周大司馬程休父漢魏以前盛于廣平至東晉始盛江南
而新安尤其著者其來也自元譚為新安太守始數傳至忠壯公靈洗
居歛之黃墩又數傳至戶部尚書仲繁居饒之浮梁其子令涯徙祁門
之善和里又數傳至竇山翁翁諱新春字景華以字行上溯忠壯公三

十一世所居地有五山里人以翁家世積善比燕山竇氏因以竇姓山翁遂以自號人亦以是稱之環所居十數里之人無少長惟翁言是聽出入與作惟翁行是視事有疑難者輒相語曰蓋質之翁乎翁必有處此者矣行有悖理者輒相戒曰翁得無知之乎知之必不吾容矣欲赴訴於有司者輒相謂曰何事勞有司乎得翁一言則是非曲直有所歸矣情於治生者輒相警曰翁之法不如是蓋質之翁乎或不幸而遇患難有死喪及困乏者輒喁喁望且呼曰無有以我事語翁者乎翁庶幾一來來則吾事濟矣用是一鄉人情者以勤儉者以足不善者以良風俗翁然以和及翁卒咸哭之慟且走相報曰吾翁棄吾去矣天乎奈何家祭而群臨之者無虛日發引之日空一里之人畢會焉時景泰壬申閏九月也距其生洪武己未得年七十有四以癸酉歲葬於本里百花園曾祖仕榮祖德堅父汝楫母蔣氏翁生九歲即孤事母及祖父母克盡孝道居喪不御酒肉葬祭一本古禮以行念兄庭春成遼陽終身不

預燕樂聞音律輒走避嘗率族人構堂祀先以合其同修譜明系以收其異其孝友睦嫻之行蓋天性然也翁初配汪氏繼劉氏子男五人盛顯達懋讓女二人長適謝景春次適鄭克己孫男十六人泰貫通容密復憲宿宣文雲迪騰循慄度女九人曾孫男八人嗚呼鄉有善人一鄉之福使凡天下郡邑每鄉中皆得如翁者一二人以爲斯民率先三代之治不可復吾不之信也翁之次子顯仕爲韓王府長史得請致仕命其子戶部主事泰以其鄉親工部郎中李君友聞狀來乞銘予與主事君同年進士也義不容辭謹次序而銘之銘曰周大司馬曰程休父程之有氏蓋此焉祖始望廣平後盛新安惟忠壯公雲仍實蕃縣曰祁門里曰善和比族環居竇山峩峩竇山何有有賢一翁鄉邦是望族屬攸宗惡者以善醜者以醇翁匪今人三代之民三代之民絕無而有銘發其潛永昭不朽

明威將軍神策衛指揮僉事致仕黃公琮墓誌銘

公諱琮字進賢世居徽之休寧其先多隱德至考彥斌甫妻徐氏女生

丈夫子七人家始般里之識者策黃氏必大貴既而
仁宗昭皇帝臨御冊公女弟為貴妃特遣二中貴人驛召彥斌甫至京
授神策衛指揮僉事 賜第一區齋予恩數甚渥七人者公最長實待
此行

上召見喜其重厚亦授錦衣衛百戶未幾彥斌甫捐館嗣為神策衛指
揮僉事公雅不以貴戚自盈年六十即以官授諸孫惟日端居自適而
已成化初

今上皇帝復冊公長孫女為 秀懷王妃公之女適王氏者有甥曰增
亦選尚 嘉善長公主為駙馬都尉公夫婦尚無恙惟時以手加額曰
吾家藉先世之靈迭被 寵光飛香椒碗恨無德以將之聞者嘉歎成
化癸巳九月十二日忽一疾不起享壽八十距生洪武甲戌二月七日

上聞訃遣使者賜祭蓋特恩云公配桂氏南京錦衣衛百戶福之女以
慈賢重感里封恭人子男三長昱以 親藩恩授中兵馬指揮次晟嗣
錦衣衛百戶次杲為義官女二長適錦衣衛百戶韓俊次適錦衣衛指
揮僉事王珩孫男九長欽後公數日卒次鑑次鍾嗣神策衛指揮僉事
次銘次鐸次鉞次鏞次鋼次銳女五長即 秀懷王妃亦先公卒次適
伏羌伯毛銳餘未行曾孫男一曰彭年女四俱幼公平生孝友事二親
存養終慕如一日諸弟處江南歲時問遺不絕貴妃從葬

景陵每時祀北墜揮涕不已與人交不蓄中對賓客恂恂執謙如弟子
雖貴富而服食儉素惟好善樂施予不厭子孫滿前佳辰令節奉觴稱
壽恒諄諄以盛腆為戒敏政嘗與鄉人造公公款之竟日其貌溫醇其
言簡而不誇有類乎古之仁人長者竊意其享福有自也是等將以是
歲十一月十五日奉葬順天府懷柔縣銀洞里賜地之原以敏政與公
生同鄉來請銘敏政聞徽之鎮曰黃山山之下在唐有黃茂者嘗割股

以愈母疾又廬父之墓以致連理木芝之祥見于史而爵位不聞豈天
欲錫報于數百載之後而得公平銘曰

黃山崇崇毓彼黃氏懿其前芳有唐孝子爰錫爾類繫天孔仁不食其
報以啓后人猗神策公崛然中起嬪我

仁廟維公之娣豈惟 皇嬪慶迭斯臻妃我 懷園維公之孫亦有公
甥玉立在旁 帝姬娟娟釐降于堂羞孰如公維齒祿位越顯孫子維

德不匱奕奕几筵 宸章奠之肅肅冠裳 賜地窆之史臣刻銘置此
窀穸中有耿光百世無斁公沒後一孫女復選為徽王妃孫男備亦

近世所

贈文林郎浙江道監察御史汪公墓表 周宮保

公諱宗煜字叔泰姓汪氏汪氏徽郡鉅姓皆祖唐忠武將軍越國公華
華當隋末保有六州歷代奉以王爵而祀之華十二傳至唐兵馬使道
安以兵鎮婺源家焉道安生瀆唐季為三梧鎮將銀青光祿大夫檢校

太子賓客無殿中侍御史上柱國死于巢賊廟食三梧三梧之地曰大

畈子孫又遷居之瀆曾孫延貴延之延貴九傳至宋端明殿學士江淮
制置使贈太傅立信以忠顯延之曾孫紹與其子四友先生存竝以行

義文學名其鄉存曾孫坻又自大畈遷浯溪公蓋浯溪之汪也坻五傳
至南山先生德潤生二子曰獻同同當元季起義保州里歷官淮南行

省左丞死于僞吳贈推誠効節輔國功臣榮祿大夫江浙行省平章政
事追封平陽郡公獻仕 國朝洪武中為承務郎左春坊左司直郎學



者號貞一先生公曾祖也祖淵父權皆隱居不仕伯父梁舉未樂甲申
進士知虞城縣事簪紱蟬聯奕世不絕公生有至性六歲喪母九歲喪

父即哀慕如成人繼母江氏來歸甫一年即孀居以保節撫孤自誓而
公亦能以元宗為志然幼孱弱羣從父兄數侵之公曲志奉承不與之

角恒自道其榮榮予立之苦言與涕下聞者感動羣從父兄卒善視之
貞一先生於六經諸史皆有著述公朝夕諷誦務究其旨義將以嗣其

宦業而獨任家政不能出也公祖父兩世居鴻村鴻村者先龍在焉公以其地非便乃節縮浮費返于浯村舊址闢基考室視昔有加歲時供祀必極豐腆哀感悽惻終身以不逮養為恨奉繼母如生已凡事務得其歡心見其子奎幼負才器方六歲即遣入縣庠奎果登名用成父志公為人剛介而襟度坦夷無綺言媚色汪氏自國朝來充萬石長公獨以取足官賦為事未嘗有所陵削里人賴之享年七十有二以成化戊戌十月十七日終于正寢配江氏邑瀟源人處士庸禮女也賢明慈惠克相夫子卒年六十有七奎以內臺考績獲賜勅贈公文林郎浙江道監察御史江氏贈孀人公于男四長奎也成化丙戌進士除秀水知縣擢監察御史以抗疏論事出為夔州通判弘治初進叙州同知再進成都知府屢受旌異次坦次圻次坤女二長適江時英次適詹希昌孫男十二長銘次鐸次釗次欽次鏗次錫次鑣次鏜次鉞次鏞次鏗次鏡女九長適儒學生孫格次適滕梅次適江溥次適江杞皆邑之故家

次適錦衣衛百戶休寧程壘故大司馬襄毅公之孫今學士克勤子也餘多未行公墓在大容梨樹坑之原久未有表奎以克勤所序事行致書屬洪謨洪謨叙人也昔在春官見奎之納忠敢言嘗偉其人既歸里居又目擊其為郡惠民有古循良之風而無泰崇階峻秩不占可知則所以恢其顯揚之地發其幽潛之德將有進于此者是用述其家世履行之槩俾鑿諸石以俟他日之大書焉



NEW YORK N.Y.

